

## ԿԱՐԳ

«1102. ԹԱՐԳՄԱՆԱԿԱՆ ԾՐԱԳՐԵՐ ԵՎ ԱԶԱԿՑՈՒԹՅՈՒՆ ՍՏԵՂԾԱԳՈՐԾՈՂՆԵՐԻՆ ՈՒ ՀԵՏԱԶՈՏՈՂՆԵՐԻՆ» ՄԻՋՈՑԱՌՄԱՄԲ 2021 ԹՎԱԿԱՆԻՆ ԴՐԱՄԱՇՆՈՐՀ ՍՏԱՑՈՂ ՖԻԶԻԿԱԿԱՆ ԱՆՁԱՆՑ ՑԱՆԿԻ ՁԵՎԱՎՈՐՄԱՆ ՀԱՄԱՐ ՀԱՅՏԱՐԱՐՎՈՂ ՄՐՑՈՒՅԹԻ

### I ԸՆԴՀԱՆՈՒՐ ԴՐՈՒՅԹՆԵՐ

1. Սույն կարգը սահմանում է Հայաստանի Հանրապետության կրթության, գիտության, մշակույթի և սպորտի նախարարության (այսուհետ՝ նախարարություն) «1124. Գրահրատարակչության և գրադարանների ծրագրի» «1102. Թարգմանական ծրագրեր և աջակցություն ստեղծագործողներին ու հետազոտողներին» միջոցառմամբ 2021 թվականին դրամաշնորհի ստացող ֆիզիկական անձանց ցանկի ձևավորման համար մրցույթի (այսուհետ՝ մրցույթ) անցկացման կարգը և պայմանները:

### II ՄՐՑՈՒՅԹԻ ԱՆՑԿԱՑՄԱՆ ԱՆՎԱՆԱԿԱՐԳԵՐԸ

2. Դրամաշնորհի տրվելու է հետևյալ մրցութային ուղղություններին համապատասխանող աշխատանքներին.

- ա) գեղարվեստական գրականության բոլոր ժանրերին,
- բ) հայ ժամանակակից գրականության քննադատություն (հետազոտական աշխատանքներ),
- գ) համաշխարհային գրականության նշանակալի՝ մինչև 19-րդ դարի ավարտը ստեղծված երկերի թարգմանություններին:

### III ՄՐՑՈՒՅԹԻ ԱՆՑԿԱՑՄԱՆ ԺԱՄԱՆԱԿԱՑՈՒՅՑԸ

3. Մրցույթն իրականացվում է հետևյալ ժամանակացույցով.

Մրցույթի մեկնարկ	2020 թ. օգոստոսի 17
Հայտերի ներկայացման վերջնաժամկետ	2020 թ. սեպտեմբերի 17
Մրցույթի արդյունքների հայտարարում	2020 թ. դեկտեմբերի 15

### IV ԾՐԱԳՐԻ ՏԵՎՈՂՈՒԹՅՈՒՆԸ ԵՎ ԲՅՈՒՋԵՆ

4. Ծրագրով առավելագույնը մեկ միլիոն դրամ է տրվում մեկամյա ստեղծագործական, թարգմանական կամ հետազոտական աշխատանքի համար:
5. Պայմանավորված նախագծով, ակնկալվող գումարի ու աշխատանքի հարաբերությամբ և այլ հանգամանքներով՝ աշխատանքները կարող են ֆինանսավորվել մասնակի կամ ամբողջապես:
6. Ֆինանսավորման չափը որոշում է ՀՀ կրթության, գիտության, մշակույթի և սպորտի նախարարին կից գրահրատարակչության ոլորտի նախաձեռնությունները քննող մասնագիտական խարհուրդը:

## V ՄՐՑՈՒՅԹԻՆ ՄԱՍՆԱԿՑԵԼՈՒ ՊԱՅՄԱՆՆԵՐԸ

7. Դրամաշնորհային ծրագրին կարող են անհատապես դիմել գրողները, քննադատները, թարգմանիչները (ֆիզիկական անձինք), որոնք ՀՀ քաղաքացի են և նախկինում չեն օգտվել այս ծրագրից՝ բացառությամբ թարգմանական նախագծերի: Չեն դիտարկվի հայտերը քննող խորհրդի անդամների կամ նրանց մերձավոր հարազատների (ծնող, զավակ, ամուսին) դիմումները:
8. Հայտի փաթեթը (բոլոր նյութերը «PDF» ձևաչափով, իսկ ամբողջը՝ «rar» կամ «zip» փաթեթով) պետք է ուղարկել «literature@escs.am» էլեկտրոնային հասցեին՝ «Թեմա» տողում նշելով Ձեր անունը և ազգանունը:

9. Հայտի փաթեթը պետք է պարունակի՝

- ◆ հայտի ձևաթուղթը (**կցվում է**),
- ◆ նախատեսվող ուսումնասիրության թեմայով հողված (հետազոտական աշխատանքների պարագայում),
- ◆ նախատեսվող ուսումնասիրության գրականության ցանկ (հետազոտական աշխատանքների պարագայում),
- ◆ նախատեսվող գեղարվեստական ստեղծագործության հատված (նվազագույնը՝ 10 էջ),
- ◆ նախատեսվող թարգմանության հատված (նվազագույնը՝ 10 էջ), ինչպես նաև բնագրի համապատասխան հատվածը,
- ◆ երաշխավորագիր որևէ հրատարակչությունից կամ տպագիր/էլեկտրոնային պարբերականից, ըստ որի, վերջինները պարտավորվում են դրամաշնորհի ստացած հետազոտական, թարգմանական կամ ստեղծագործական աշխատանքը հրատարակել / հրապարակել մինչև 2022 թվականի նոյեմբերի 1-ը:
- ◆ հայտատուի ինքնակենսագրությունը,
- ◆ անձը հաստատող փաստաթղթի պատճենը:

10. Թերի կամ կեղծ տվյալներ պարունակող, պահանջվող ուղղություններին չհամապատասխանող, նախկինում հրապարակված աշխատությունների համար ներկայացված հայտերը չեն դիտարկվի:
11. ՀՀ կրթության, գիտության, մշակույթի և սպորտի նախարարությունը և մասնագիտական խորհուրդը հարկ եղած դեպքում կարող են դիմումատուից պահանջել հավելյալ փաստաթղթեր և նյութեր, ինչպես նաև հրավիրել հանդիպման:

## **VI ՄՐՑՈՒՅԹԻ ԱՆՑԿԱՑՄԱՆ ԸՆԹԱՑՔԸ**

12. Մրցույթի հայտերը պետք է ներկայացնել էլեկտրոնային կարգով:
13. Նույն ֆիզիկական անձը չի կարող ներկայացնել մեկից ավելի հայտ:
14. Մասնակիցը մինչև հայտերը ներկայացնելու վերջնաժամկետի ավարտն իրավունք ունի չեղարկելու իր հայտը:
15. Հայտի ստացման պարագայում «literature@escs.am» էլ. փոստից հայտատուն պետք է ստանա հաստատող նամակ:
16. Հայտերի ընդունման վերջնաժամկետի ավարտից հետո յոթ աշխատանքային օրվա ընթացքում ՀՀ կրթության, գիտության, մշակույթի և սպորտի նախարարության գրահրատարակչության ոլորտի նախաձեռնությունները քննող մասնագիտական խորհրդի քարտուղարը հայտերը ուղարկում է գնահատման:
17. Հանձնաժողովի անդամները հայտերի ստացումից հետո երկու ամսվա ընթացքում, ըստ չափանիշների, գնահատում են մրցույթի հայտերը և հանձնաժողովի քարտուղարին են փոխանցում գնահատման թերթիկները:
18. Մրցույթի արդյունքներն ամփոփվում են հանձնաժողովի եզրափակիչ նիստում հանձնաժողովի անդամների գնահատման թերթիկների հիման վրա:
19. Հանձնաժողովն ընդունում է որոշում այն ֆիզիկական անձանց ցանկը հաստատելու մասին, որոնք կարող են «1102. Թարգմանական ծրագրեր և աջակցություն ստեղծագործողներին ու հետազոտողներին» միջոցառմամբ 2021 թվականին ստանալ դրամաշնորհ, եթե ՀՀ ԿԳՄՍ նախարարության՝ 2021 թվականի բյուջետային հայտը հաստատեն ՀՀ կառավարությունը և ՀՀ Ազգային ժողովը, և այն ներառվի «Հայաստանի Հանրապետության 2021 թվականի պետական բյուջեի մասին» Հայաստանի Հանրապետության օրենքում:
20. Վերջնական անցողիկ գնահատականի արժանացած է համարվում այն մասնակիցը, որի ստացած միավորը միջինացված հանրագումարում 35-ից բարձր է\* (Առավելագույն միավորը 50-ն է):
21. Հանձնաժողովի ամփոփիչ նիստի արձանագրությունը ՀՀ ԿԳՄՍ նախարարության մշակութային ժառանգության և ժողովրդական արհեստների վարչությունը ներկայացնում է նախարարության ֆինանսաբյուջետային վարչությանը:

22. Հայտերի վերջնական ընտրությունը հաստատում է ՀՀ ԿԳՄՍ նախարարը (պետական մարմնի ղեկավարը):
23. Պետական մարմնի ղեկավարը մասնագիտական խորհրդի որոշումը ստանալու պահից տասը աշխատանքային օրվա ընթացքում հաստատում կամ մերժում է այն:
24. Ներկայացված հայտերի՝ մասնագիտական խորհրդի և Պետական մարմնի ղեկավարի կողմից հաստատման կամ մերժման փաստի վերաբերյալ ՀՀ ԿԳՄՍ նախարարությունը պարտավորվում է տեղեկատվություն տրամադրել մինչև 2020 թվականի դեկտեմբերի 15-ը:

- **Ուշադրություն:** Դրամաշնորհային ծրագրի բյուջեն սահմանափակ է: Հետևաբար, եթե դրական գնահատական ստացած հայտատուներին ֆինանսավորելու համար անհրաժեշտ գումարային ֆոնդը գերազանցի 2021 թվականի բյուջեով նախատեսվածին, առաջնահերթություն կտրվի բարձր միավոր ստացած դիմումատուներին՝ նվազման կարգով: